


元和郡縣圖志

附闕卷逸
文攷證

一一







元和郡縣圖志

附闕卷逸文攷證

(一十)

李吉甫撰
孫星衍校
張賢駟證

元和郡縣圖志卷第三十四

嶺南道一

嶺南節度使

廣州

南海

開元戶六萬四千二百五十

元和戶七萬四千九十九

都督府

鄉一百九十四

今為嶺南節度使理所

鄉九十一

管州二十二

廣州

循州

潮州

端州

康州

封州

韶州

春州

自封州以下分入下卷

新州

雷

州

羅州

高州

恩州

潘州

辨州

瀧州

勤州

崖州

瓊州

振州

儋州

萬安州

禹貢梁州之域。春秋時百越之地。秦并天下。置南海郡。下言南海郡地。即禹貢之域也。秦末趙佗竊據之。高帝定天下。為中國勞苦。釋佗不誅。因立佗為南越王。使無為南邊害。至武帝元鼎五年。遣伏波將軍路博德出桂楊。下湟水。樓船將軍楊僕下滇水。咸會番禺。誅佗。立孫建德及相呂嘉。遂定越地。以為南海、蒼梧、鬱林、交趾、九真、日南、珠崖、儋耳郡。按漢南海郡。即秦南海故郡也。屬交趾刺史。獻帝末。孫權以步騭為交州刺史。遷州於番禺。即今州理是也。孫皓時。以交州土壤太遠。乃分置廣州。理番禺。交州徙理龍編。晉氏因而不改。義熙中。盧循自稱平南將軍廣州刺史。用徐道覆計。舉兵建業。軍敗。單舸走保廣州。為晉將杜慧度所破。投

水而死。開皇九年，平陳於廣州，置總管府。仁壽元年，改廣州為番州。大業三年，罷番州，為南海郡。隋末陷賊。武德四年，討平蕭銑，復為廣州。開元二十一年，又於邊境置節度經略使。式遏四夷。廣州為嶺南五府經略使理所。以綏靜夷獠。經略軍南海郡係本州城內有經略軍額管鎮兵五千四百人。清海軍恩平郡管兵一千人恩平今屬州。桂管經略使始安郡管兵一千人。容管經略使普甯郡管兵一千一百人。鎮南經略使安南都護府管兵四千二百人。邕管經略使期甯郡管兵一千七百人。

州境東四百八十里，南一千二百一十里。

八到西北至上都取郴州路四千二百一十里，取虔州大庾嶺路五千二百一十里。

東北至泗州五百三十里。

正西至北至端州路六百九十里。

正南至賀州路六百七十六里。

貢賦開元貢 絲布 竹蓆 蕉布 沈香 甲香 鱧乳 石斛 鱧乳 沈香 鱧蛇膽 元貢 荔枝煎 山薑 餘甘子 鼈皮 石斛 鱧乳 沈香 甲香 占臘香 魴蛇膽

管縣十三 南海 番禺 化蒙 懷集 增城 泮水 東莞 新會 義甯 清遠 四會 浚

陽 滄涯

南海縣上 郭下。本漢番禺縣之地也。屬南海郡。開皇十年，分其地置南海縣。屬廣州。

番山在縣東南三里。

禺山在縣西南一里。尉佗死葬於此。

南海在縣南水路百里。自州東八十里。有村號曰古斗。自此出海。浩淼無際。

石門水一名貪泉。出縣西三十里平地。卽晉廣州刺史吳隱之飲水賦詩之處。

州城步。騶所築也。騶爲交州刺史。登臺遠望。乃曰。新城海島膏腴之地。宜爲都邑。遂遷州於番禺。建築城郭焉。

趙佗故城在縣西二十七里。卽尉佗都城也。

陸賈故城在縣西十四里。賈之來也。佗不卽前。賈故爲城以待之。

盧循故城在縣南六里。循旣爲宋高祖所破。聚其餘黨。至自番禺。高祖遣建威將軍孫季高。振武將軍沈田子力戰。大破之。

朝臺在縣東北二十一里。昔尉佗初遇陸賈之處也。後歲時於此望漢朝拜。故曰朝臺。

牛鼻鎮在縣西北五十里。

赤岸戍在縣東百里。

紫石戍在縣東七十里。

北廟在縣北三里。卽尉佗之廟也。

虞翻廟在縣西北三里。翻爲孫權騎都尉。以數諫爭徙交州卒。

海廟在縣東八十一里。

任囂墓在縣北三里。

尉佗墓在縣東北八里。又言佗葬在禺山。蓋與此相連接耳。

番禺縣。上北至十五里。本秦舊縣。故城在今縣西南二里。縣有番禺二山。因以爲名。或言置在番禺之隅。開皇

十年。改置南海縣。卽今縣是也。長安三年。於江南洲上別置番禺縣。取漢名。其洲周迴約八十里。

化蒙縣。下東南至州百八十里。本秦四會縣之地也。宋元嘉十三年。分四會縣之蒙鄉置化蒙縣。屬綏建郡。開皇十

年。廢郡。以縣屬廣州。

鉛穴山在縣西六十里。出鉛錫。

滑水一名綏建江。經縣南。去縣三十步。

懷集縣。中東南至州六百三十里。本漢四會縣之地。宋元嘉中。分四會縣之銀屯鄉置懷集縣。屬綏建郡。開皇十年。

改屬涇州。涇州卽今廣州。治涇縣理是也。二十年。廢涇州。改屬廣州。

驪山在縣東北四十二里。多鐵鏽。百姓資焉。

綏建江經縣西南三里。

增城縣中、西南至、州百八十里。本漢番禺縣地。後漢於此置增城縣。按崑崙山上有閩風。增城蓋取美名也。屬南海郡。開皇十年屬廣州。

猊山在縣東南二十三里。多婆婆摩竹。圍三四尺。至堅。里人以爲弓。弓形如弩。

九子嶺在縣西四里。

泉山在縣西三十二里。其上多漆樹。

龍泉在縣西青山。有神龍帶銅環。上此水。有穢此水。則便澍雨。

石陂在縣東北百五十里。溉田餘頃。

牛潭在縣東北二十里。

洊水縣中、東北至、州七十二里。本漢封陽縣地。在今賀州界。蕭齊於此置洊安縣。屬廣州。至德二年改爲洊水縣。

齊樂水經縣北百步。

滑水在縣北五十里。

東莞縣中、西北至、州三百里。本漢博羅縣地。晉成帝咸和六年於此置寶安縣。屬東莞郡。開皇十年廢郡。以縣屬

廣州。至德二年改爲東莞縣。取舊郡名也。

寶山在縣東北五十五里。

南海在縣西二里。

新會縣。中。東北至州三百里。本漢四會縣地。隋開皇十年置新會縣。屬岡州。岡州即今廣州。義甯縣理是也。開元二十三年割屬

廣州。

利山在縣南百七十里。上多沈香木。

南海在縣北百五十里。

義甯縣。下。東北至州五百里。本漢番禺縣之地。宋元嘉六年於此置義甯縣。屬新會郡。隋改屬岡州。天寶初廢岡

州。以縣屬廣州。

天路山在縣西一十六里。

清遠縣。中。南至州二百四十里。本漢中宿縣地也。梁武帝於此置清遠郡。中宿縣屬之。開皇十年廢郡。置清遠縣。屬

廣州。

觀亭山一名觀峽。一名中宿峽。在縣東三十五里。縣昔取此峽爲名。

四會縣。中。東南至州二百四十里。本漢舊縣也。屬桂林郡。開皇十年改屬廣州。

金山一名金崗山。在縣北六十五里。出金沙。

鷄籠山在縣西二里。

滇陽縣。中。南至州四。百二十五里。本漢舊縣也。屬桂林郡。在滇水之陽。因名。吳屬始興郡。開皇十年。改爲貞陽。屬循州。十九年。改屬廣州。武德元年。復改爲滇陽。

滇山在縣北四十里。滇水所出。尉佗爲城於此山上。名爲萬人城。

滇陽峽一名皋石山。在縣南二十五里。崖壁千仞。猿狖所不能游。

漆水一名始興。大江北自韶州曲江縣界流入。東去縣百一十步。

滄浦故關在縣西南四十五里。山谷深阻。寔禁防之要地也。

滄涇縣。中。東南至。州五百里。本漢舊縣也。屬桂陽郡。隋開皇十年。於此置涇州。縣屬焉。二十年。廢涇州。以縣屬廣

州。因縣界涇水爲名也。地理志。含字無水。

堯山在縣北四十里。

白鹿山在縣東南三十里。

涇水自西連州陽山縣界流入。經縣南百步。

舍涇故城本漢含涇縣也。在今縣東四里。

故涇城在縣西三十步。

循州。海豐。開元戶九千五百二十五。元和戶二千八十九。鄉十五。

本秦南海郡地。漢平南越。復置南海郡。今州即漢南海郡之博羅縣也。梁置梁化郡。開皇十年。於此置循州。取循江為名也。大業三年。改為龍川縣。武德五年。復改為循州。

州境。東九百八十三里。南七十二里。

八到。西北至上都取廣。路四千六百一十里。西北至東都取廣。路四千四百五十里。

北至虔州一千五百里。東北至韶州一千二百里。

西至廣州水路沿泝相兼。四百里。陸路三百五十里。南至海一百一十里。

貢賦。元。和。貢。納。蛇。膽。甲。香。藤。器。蛟。魚。皮。大。甲。香。小。甲。香。水。馬。大。魚。睛。

管縣六。歸善。博羅。興甯。海豐。河源。雷鄉。

歸善縣。中下。本漢博羅縣地也。宋於此置歸善縣。屬彭郡。梁屬梁化郡。開皇十年。廢梁化郡。以縣屬循州。

長山在縣東南百里。

寅山在縣東北十五里。多出伏苓。

南海在縣南一百一十里。

河源水北去縣四十步。

歸善故城在縣東北七十里。

梁化故城在縣東南八十里。

博羅縣。中下東南本漢舊縣也。屬南海郡。開皇十年改屬循州。二漢縣立名不一。自吳以後復爲博羅。

羅浮山在縣西北二十八里。羅山之西有浮山。蓋蓬萊之一阜。浮海而至。與羅山並體。故曰羅浮。高三百六十丈。周迴三百二十七里。峻天之峰四百三十有二焉。事具袁彥伯記。

浮水出羅浮山。

河源水東自歸善縣界流入。南去縣一百步。

輿甯縣。中下西南本漢龍川縣之地也。晉於今縣西三里置輿甯縣。屬東莞郡。開皇十年以縣屬循州。

六石山在縣西南三里。

循江西自河源縣界流入。西去縣五十里。

輿甯江南去縣一百八十里。

海豐縣。中下西北本漢龍川縣地。東晉於此置海豐縣。屬東莞郡。開皇十年廢。以縣屬循州。

南海在縣南二十五里。

龍山在縣北五十里。

河源縣。中下西南至本漢龍川縣之地。齊於此置河源縣。縣東北三百里有三河之源。故名也。屬南海

郡開皇十年改屬循州。

龍穴山今名龍川山在縣東北三百四十里。

循江經縣東南去縣二百步。

龍川故城在縣東北水路百七十五里。秦龍川縣也。秦南海尉任囂疾召龍川令趙佗授之以政。卽此處也。

雷鄉縣中下西南至州六百里。天授二年廣東都督陳崇業奏置南臨大江。

潮州下開元戶九千三百二十七。元和戶一千九百五十五。鄉一十六。

今州卽漢南海郡之揭陽縣也。晉安帝義熙九年於此立義安郡及海陽縣。開皇十年罷郡省海陽縣。

仍於郡廡置義安縣以屬循州。十一年於義安縣立潮州以潮流往復因以爲名。大業三年罷州爲義安

郡武德四年復爲潮州。

州境東四百三十六里

八到西北至上都取虔州路五千六百二十五里

西北至虔州一千五百里

東南至大海一千五百里
西南至循州一千五百里

東北至漳州取漳浦縣路四百八十里。
南至大海八十五里。

貢賦。開元貢。蕉葛布。鱉蛇膽。鮫魚皮。甲香。靈龜殼。
元和貢。細蕉布。甲香。鮫魚皮。水馬。

管縣三。海陽。潮陽。程鄉。

海陽縣。中下。郭下。本漢揭陽縣地也。晉於此立海陽縣。屬義安郡。開皇十年省郡。廢海陽入循州。十一年置潮

州。又立海陽縣以屬焉。南濱大海。故曰海陽。

鳳凰山在縣北一百四十里。

大海在縣東南一百一十三步。

西津驛在縣西六里。

鹽亭驛。近海。百姓煮海水爲鹽。遠近取給。

官鄣湖在縣東南二十里。出名龜。以下勝於含涯龜也。

潮陽縣。中下。東北。至州二百里。本漢揭陽縣地。晉安帝分東莞郡置義安郡。仍立潮陽縣屬焉。以在大海之北。故曰

潮陽也。貞元九年移於今理。

稷子山一名龍首山。在縣東南五十里。

龍溪山。今名海甯嶺。在縣西南一百七十里。

大海在縣西南百三十里。

程鄉縣中下東南至州四百里。本漢揭陽縣地。齊於此置程鄉縣。蓋分海陽縣立焉。屬義安郡。開皇十年省。十一年。

置潮州。復立程鄉縣屬焉。

西陽山在縣東南四十五里。

西陽水在縣南二十三里。

端州高要。開元戶八千一百五十二。鄉十四。元和戶一千七百九十五。

本秦南海郡地。漢武帝置蒼梧郡。則為蒼梧郡之高要縣也。梁大同中於此立高要郡。開皇十一年置端

州。大業三年罷為信安郡。武德四年平蕭銑。五年重置端州。當西江入廣州之要口也。

州境東一百五十八里。南一百一十四里。

八到西北取韶州路至上都四千三百三十五里。東至東都四千六百一十五里。

四至廣州義甯縣一百五十里。東南至廣州新會縣三百里。

東北至廣州四會縣陸路一百八十里。北取廣州四會縣界水路至韶州六百四十里。

西至康州二百九十里。西南水陸相兼至新州一百八十里。

管縣二 高要 平輿

高要縣下。本漢舊縣也。屬蒼梧郡。有鹽官。開皇十一年置端州。割屬焉。

石室山在縣北五里。

零羊峽在縣東水行三十里。吳步騭為交州刺史。與軍取南海。衡毅、錢博等領兵逆之。戰於峽口。博等軍敗。投水死者十餘人。即此處也。

青岐鎮在縣東八十五里。

鵠奔亭在縣西八里。漢交趾刺史何敞辯死女子冤。即此處也。

平興縣下。西北至州八十里。本漢高要縣地也。晉末分置平興縣。屬新甯郡。開皇十二年罷郡。屬端州。

漏山在縣東四十里。

康州下。晉康。開元戶一萬三千一百五十二。鄉一十六。

漢武帝平南越。置蒼梧郡。今州即蒼梧郡之端溪縣也。晉末於此置晉康郡。開皇十二年省晉康郡。以所領縣屬端州。大業三年罷州。為信安郡。隋末陷賊。武德四年討平蕭銑。五年置康州。

州境。東二百七十九里。南二百四十五里。

八到。西北至上都四千二百五十五里。西北至東都四千五百一十五里。

東至端州一百九十里。西南水路至瀧州一百八十里。

西北泝流至封州一百二十五里。北至霍山一百二十里。與廣州化蒙縣分界。

貢賦。開元貢。蕉布。麻布。元和貢。銀。

管縣四。端溪。悅城。都城。晉康。

端溪縣。下。本漢端溪舊縣也。屬蒼梧郡。

端山在縣北百二十五里。有樹冬榮。其子號曰豬肉子。大於杯。炙而食之。味如豬肉。故名也。

西江水經縣南。去縣五十二步。

悅城縣。下。西至。本漢端溪縣地也。宋於此置樂城。縣屬端州。武德五年。改屬康州。天寶元年。改名悅城。

鬱水一名西江水。經縣南。去縣十步。

程溪水東去縣百步。

都城縣。下。東北至。本漢端溪縣地。宋於此分置都城縣。屬晉康郡。大業二年。屬封州。武德五年。改屬康

州。

鬱水經縣西去縣一里。

晉康縣。下。東至州。本漢端溪縣地。宋於此置安遂縣。貞觀八年。於縣置藥州。十八年。廢州。以縣屬康州。

至德元年。改爲晉康縣。

建水在縣東五十步。

封州臨封。開元戶五千六百五十三。鄉七。

秦為南海郡之地。漢平南越。置蒼梧郡。今州即漢蒼梧郡之廣信縣地也。梁於此置梁信郡。屬成州。開皇十年改為封州。大業三年罷州。以縣屬蒼梧郡。武德四年復置封州。

州境。東四一百二十八里。南一百二十九里。

八到。西北取梧州。路至上都四千三百八十五里。

東南沿流至廣州一百三十五里。西北至賀州陸路三百九十里。水路六百四十里。

西北泝流至梧州五十里。

貢賦。開元貢。蕉布。落麻布。元和貢。銀。

管縣二 封川 開建

封川縣下。本漢廣信縣地。梁於此置梁信郡。開皇十年改為梁信縣。屬封州。十八年改為封川縣。皇朝因之。

古關山在縣西十三里。

封溪水經縣北。去縣十五里。

開建縣下南至州本漢封陽縣之地宋文帝分置開建縣屬臨賀州開皇十年改屬連州武德四年改屬封州

鼠石在縣東北二十四里旁有三穴皆容人居止其石上時多石斛石高五十丈周迴五里

臨賀水一名封溪水經縣西去縣十五里

韶州始興開元戶二萬二百六十四鄉四十一
元和戶九千六百六十四鄉四十一

秦南海郡地漢分置桂陽郡今州即桂陽郡之曲江縣也後漢置始興都尉今州即都尉所部吳甘露元年初立為始興郡梁承聖中蕭勃據嶺南於此置東衡州開皇元年平陳改東衡州為韶州取州北韶石為名十一年廢入廣州十二年自今南海縣移廣州理曲江之廢韶州城即今州理是也仁壽元年改廣州為番州大業二年又自今始興故鎮移番州治南海縣今廣州理是也三年以番州為南海郡隋末陷賊武德四年平蕭銑重於此置番州貞觀元年改為韶州復舊名也

州境東四百二十里
南四百五十里

八到西北至上都取郴州路三千六百八十五里取虔吉州路四千六百八十里
西北至東都取郴州路三千四百二十五里取虔吉州路二千八百七十里

東至廣州水陸相兼五百三十里

西北至虔州陸路四百一十里
東北至虔州陸路五百五十里
西至連州山路險峻五百五十里

賞賦開元貢元和貢 麻布 竹布 十五疋 鍾乳 五兩
鍾乳 石斛 蘭桂

管縣六 曲江 始興 樂昌 翁源 浚昌 仁化

曲江縣上 郭下 本漢舊縣也。屬桂陽郡。江流迴曲。因以爲名。吳置始興郡。縣屬焉。隋置韶州。縣屬不改。皇朝因之。

靈鷲山在縣北六里。

玉山在縣東南十里。有採玉處。

銀山在縣西二十二里。出銀。

韶石在縣東北八十五里。兩石相對。相去一里。石高七十五丈。周迴五里。有似雙闕。名韶石。

牢石在縣東六十里。石高七十丈。周迴二十一里。色備五彩。狀若樓觀。上多零羊。

玉城一名故都城。在縣南六里。地勢險固。晉義熙初。盧循剋廣州。循將徐道覆移始興軍。據此城。

浚水在縣東一里。元鼎五年。征南越。樓船將軍下橫浦。入浚水。卽此水。

始興縣下 百九十四里 西南至州 本漢南海之地。吳於此分置始興郡。隋改屬韶州。皇朝因之。

大庾嶺一名東嶠山。在漢塞上也。在縣東北百七十里。

邪階水今名階水。出縣東百三十里。

安遠鎮在縣東北百五十里。

樂昌縣。中東南至州百四十里。本漢曲江縣地也。梁武帝分曲江置梁化縣。屬始興郡。開皇十年改屬廣州。十八年

改爲樂昌縣。武德中改屬韶州。

藍豪山在縣西北一百九十里。廣五百里。崖嶺峻阻。所謂隴中卽此也。

滄湖在縣東南十里。周迴三十五里。南通瀧水。

任囂故城在縣南五里。秦楚之際。南海都尉任囂因中國方亂。欲據嶺南。故築此城。以圖進取。囂死。此城

尉佗因之。遂有南越。

翁源縣。下西北至州二百八十里。本漢漬陽縣地。在今廣州界。梁承聖末。蕭勃分漬陽立翁源縣。因縣界翁水之源

爲名也。後因不改。貞元元年。刺史徐申移於今理。

翁水出縣東北一百四十里。

松派水與漬水合。經縣南二十步。

漬昌縣。下西南至州陸路二百三十里。光宅元年。析始興北界置漬昌縣。北當驛路。南臨漬水。

大庾嶺在縣北五十六里。

仁化縣。下南至州陸路百一十里。垂拱四年。分曲江縣置仁化縣。

元和郡縣圖志卷三十四考證

嶺南道一

都督府廣州注

官本上有中字與舊志合

自封州云云管州下

南本下有缺字

辨州

官本作辯州是南本改

按管州後宜列管縣目此缺

禹貢梁州之域州鉞

梁宜作揚晉志云禹貢揚州之域王象之引此作揚

卽禹貢之域也注

賈下脫揚州六典云嶺南道古揚州之南境杜佑歐陽忞馬端臨並云在禹貢九州之外恐未確

交趾。

按漢書及晉志武帝平南越置九郡交趾上宜有合浦地理志郡國志並列交州王象之引此亦無合浦蓋宋本已脫交州敘述九郡原有合浦此傳鈔遺耳。

孫皓。

王象之引作孫休與晉志通考合。

經略軍。

官本上有統字南本增。

開元貢云云。

官本竹席作竹布別有山薑南本增。

元和貢云云。

官本無山薑石斛鍾乳沈香甲香蜃蛇膽六物。

新城海島南海縣州城條

官本新城作斯誠按云斯誠各本作新城非未築時語步騭本傳不載其事詳見水經注今據以改正南本从之。

其餘黨至自番禺。盧循條

至自官本作還至南本从之。洪亮吉引作遂至。

二十一里。朝臺條

官本無一字。水經注引交州治中姚文式問答曰。朝臺在州城東三十里。

百八十里。化蒙縣注

官本上有四字。亦非。四會至州二百四十里。化蒙在四會西北。宜作二百八十里。

多婆娑摩竹。增城縣峴山條

王象之引摩作羅。

石陂。本條

官本下有水字。

東北至州七十二里。泮水縣注

北宜作南。七十二官本作七百五十。南本从之。此誤。唐泮水縣在今廣西梧州府懷集縣西。

屬東莞郡。東莞縣敘

晉志莞作官。

岡州即今云云。縣敘注

官本作岡州即義甯。今廣州理是也。非。

割屬廣州。縣敘

官本下按云。岡州。舊唐書云。貞觀五年。州廢。以新會。義甯屬廣州。乾元元年。復為岡州。與此新會。義甯

兩縣志文有異。

東北至州五百里。義甯縣注

五百字疑未確。李兆洛云。義甯在今開平縣東一百里。

開皇十年。清遠縣敘

官本作十六年。樂史作十九年。並誤。王象之引與此同。歐陽忞曰。隋平陳。郡廢。置清遠縣。

本漢舊縣也。屬桂林郡。四會縣敘

漢錢坵作秦。與官本同。漢四會屬南海。無桂林郡。王象之引作秦。此誤。南本改。

屬桂林郡。演陽縣敘

王象之引林作陽。與官本合。此誤。南本改。

二十五里。演陽峽敘

王象之引無五字。

在縣西南四十五里。涇浦條

王象之引作縣西四十里。

本漢舊縣也。洽涇縣敘

官本下注地理志含字無水。南本从之。此見下文。

自西運州。涇水條

官本作西自此倒。南本改。

三十步。故涇城條

三官本作二。王象之引同。

八十九。循州元和戶下

官本十作百。

改爲龍川縣。復改爲循州。州敘

官本縣作郡。是循州下按云。此所敘未全。舊唐書地理志云。隋龍川郡。武德五年。改爲循州。天寶元年。

改爲海豐郡。乾元元年。復爲循州。今按天寶改郡。乾元改州。通例也。各州敘不盡述。可參觀之。非此獨。

略。

一千五百里。東北至韶州。八到

虔州作一千六百十四里。東宜作西。

元和貢云云。

官本無蚺蛇膽。大甲香。小甲香。

置歸善縣屬彰郡。歸善縣敘

州郡志未詳。官本彰作鄣。南本从之。王象之引圖經云。陳正明三年間為歸善縣。與此別。

本漢舊縣也。博羅縣敘

地理志。郡國志並作博羅。晉志作博羅。劉昭云。縣有浮山。自會稽浮來。傳於羅山。故置博羅縣。

出羅浮山。浮水條

王象之引作浮山。

屬東莞郡。與甯縣敘

莞宜作官。詳海豐縣。

三里。六石山條

官本作二里。王象之引同。

屬東莞郡。開皇十年廢。海豐縣。海豐縣。海豐縣。

王象之引莞作官。與晉志合。後仿此。隋志始作莞。廢下官本有郡字。南本增。

本漢龍川縣之地。河源縣。河源縣。

漢宜作秦。詳龍川故城條。

二百步。循江條。

王象之引作二十里。

陳崇業。雷鄉縣。雷鄉縣。

王象之引崇作蒙。

二十七。潮州開元戶下。

官本七作九。

武德四年。州敘。

按舊唐書及通鑑。四年十月。平蕭銑。五年。嶺南始定。四宜作五。樂史作元年。並誤。

五十里。八到下。

官本作二十里。與海陽縣本條近合。南本从之。

一千六百里。

官本上有約字。南本增。

開元貢云云。賈賦下。

官本無蕉葛布。

元和貢云云。

官本無甲香、鮫魚皮。

一十三步。海陽縣大海條。

步疑作里。南本改。洪亮吉曰：海在海陽縣東南一百里。

五十二。端州開元戶。

官本五作四。南本改。

東北。六百一十五里。八到下。

官本東作西。無百一二字。南本从之。又有東至廣州二百八十四里。此脫。按廣州作二百四十里。

西至廣州義甯縣。

西宜作東南官本作東脫南字南本从之。

按官本八到後有貢賦云開元貢銀四錠蕉布麻布元和貢乳香黃魚春子此脫。

零羊峽十餘人高要縣本條

南本零作犛官本十作千王象之引同。

青岐鎮本條

王象之引鎮作嶺。

晉末平興縣敘

晉志無平興縣樂史云宋元嘉十二年置。

二百五十五里康州八到下

官本作五百二十五。

五百一十五里。

官本作二百五十五。

一百九十里二十五里。

官本一作二與端州合封州八到無五字。

貢賦。

官本開元貢有銀。無元和條。

宋於此置樂城縣屬端州。悅城縣。縣。縣。

州郡志無端州。縣下宜有脫文。隋平陳始立端州。

天寶元年改名悅城。

舊志作武德五年改。樂史同。與此別。

置安遂縣。晉康縣。縣。

官本作遂安是。

置藥州。

官本藥作樂。

五十三。封州開元戶下。

官本三作二。

三十五里。八到下。

官本三十作二十。

東南沿流至康州一百二十里。

官本沿作泝誤。康州八到十下有五字。

三百九十里。

賀州八到作三百六十里。

五十里。

官本十下有五字。宜衍梧州八到與此同。

貢賦云云。

官本開元貢蕉布上有銀落麻布作麻布無元和條。

開皇十年改爲梁信縣。封川縣敘

語有錯誤。隋志梁曰梁信縣。仍置梁信郡。平陳郡廢。十八年改爲封川。王象之曰。梁信之名當從梁之國號。必非改於隋也。恐開皇十八年原在梁信縣下。傳鈔倒置。

宋文帝屬臨賀州。開建縣敘

官本文作明。按云一作宋文帝州作郡。王象之引同。此誤。南本改。

在縣東北二十四里。鼠石條

王象之引無東字四字。

十五里。臨賀水條。

王象之引里作步。

二百。韶州開元和元月。下六十四。月。下。

官本二作七。四作六。

梁承聖中。蕭勃據嶺南。於此置東衡州。開皇元年。州敕。

隋志云。陳置東衡州。王象之云。曲江志。侯安都傳。以爲安都定議立世祖。功封司空。父文捍。爲始興內史。卒於郡。安都迎其母。還建康。母固求歸里。乃爲置東衡州。以安都弟安曉爲刺史。在鄉侍養。則東衡州之置。當在陳世祖文帝之時。宜從隋志。元年宜作九年。見前各州敕。王象之引作九。南本改十二年。

王象之引作十三年。

治南海縣。

治官本作理。此傳鈔誤改。

東至廣州。八到。下。

官本東作南是南本改。

貢賦云云。

官本並作開元貢無元和貢鍾乳五字南本从之。

銀山在縣西二十二里。曲江縣本條

王象之引作銀山在州東北五里桂山上與此別。

八十五里。翻石條

官本無五字。

上多零羊。牢石條

王象之引零作羚。

玉城一名故都城。本條

官本玉作王王象之引同都王象之引作郡。

移始興軍據此城。

王象之引移作陷軍作郡官本軍作郡南本从之。

百七十里。始興縣大庚嶺條

官本七十作七十二。下有從此至水道所極。越之北疆也。越相呂嘉破漢將軍韓千秋于石門。封送漢節。置于塞上。卽此嶺。本名塞上。漢伐南越。有監軍姓庾。城于此地。衆軍皆受庾節度。故名大庾。五嶺之戍中。此最在東。故曰東嶠。高一百三十丈。秦南有五嶺之戍。謂大庾、始安、臨賀、桂陽、揭陽縣也。此脫。南本增。

百三十里。邪階水條

官本下有近水有邪階山。又有脩仁水。出縣東北東嶠山。仍有三楓亭。五渡水。齊范彥龍爲始興守。至脩仁。酌水賦詩曰。三楓何習習。五渡且悠悠。甯飲脩仁水。不挹邪階流。此脫。南本增。

所謂隴中。樂昌縣藍山條

隴。官本作瀧。王象之引同。南本改。

元和郡縣圖志卷第二十五至三十六原缺

元和郡縣圖志卷第三十七

嶺南道四

桂管經略使

桂州始安

開元戶三萬六千二百六十五
元和中戶八千六百五十

鄉七十二
鄉三十五

今為桂管經略使理所

管州十二 桂州 梧州 賀州 昭州 象州 柳州 嚴州 融州 龔州 富州 蒙州 思

唐州

縣四十七

禹貢荊州之域。漢元鼎六年置零陵郡。今州即零陵郡之始安縣也。吳歸命侯甘露元年於此置始安郡。屬荊州。晉屬廣州。梁天監六年立桂州於蒼梧鬱林之境。因桂江以為名。大同六年移於今治。開皇十年置總管府。大業三年罷州為始安郡。武德四年復為桂州總管府。七年改為都督府。天寶元年改為始安郡。至德元年改為建陵府。州境東四三百八十一里
南四三百二十八里

八到北至上都三千七百五里

北至東都三千四百五十五里

東南至昭州二百三十五里

西南至象州五百二十里

東北至道州四百八十里

西至柳州五百三十里

南至蒙州三百五十里

西北至融州四百九十里

東南水路至梧州六百三十里

貢賦開元貢銅鏡四十四面

管縣十 臨桂 全義 靈川 陽朔 永福 建陵 治定 慕化 永豐 荔浦

臨桂縣上 郭下 本漢始安縣屬零陵郡至德二年改為臨桂

桂江一名灘水經縣東去縣十步楊僕平兩越出零陵下灘水即謂此也

駁鹿山一名福祿山在縣東北十五里

全義縣中下 南至州 本漢始安縣之地武德四年置臨源縣大歷三年改為全義縣

越城嶠在縣城北三里即五嶺之最西嶺也

湘水出縣東南八十里陽朔山下經零陵郡西十里陽朔山即零陵山也其初則觴為之舟至洞庭日月

若出人其中

故越城在縣西南五十里。漢高后時遣周竈擊南越。趙佗踞險爲城。竈不能踰嶺。卽此也。

靈川縣。中下。西南至州六十里。龍朔二年分始安縣置。東臨桂江。

冷山在縣西南一百里。出滑石。

陽朔縣。中下。北至州一百四十里。本漢始安縣地。開皇十年分置陽朔縣。取陽朔山爲名也。皇朝因之。

灘水在縣西二十里。

永福縣。中下。東北至州一百里。武德四年析始安縣之永福鄉置。因以爲名。

白石水經縣東去縣七步。

建陵縣。中下。至州三百四十里。本漢荔浦縣地。吳孫氏置縣。梁武帝立爲郡。開皇十年廢爲縣。後因之。

建水出縣北。建山南流經縣東。

駱駝水在縣西七里。

治定縣。中上。東北至州三百里。隋仁壽初分始安縣置。至德二年改爲治定縣。

慕化縣。中下。東北至州二百五十里。武德四年析始安縣。

常安水東去縣七步。

永豐縣。中下。北至州一百一十里。吳甘露元年析漢荔浦縣之永豐鄉置。開皇十年省入陽朔縣。武德四年復置。

荔浦縣中下北至州二百四十七里本漢舊縣因荔水為名屬蒼梧郡縣南有荔平關今廢吳屬始安郡隋改屬桂州武德四年於此置荔州貞觀十二年州廢縣復屬桂州

荔江水在縣南一里

梧州蒼梧開元戶二千二百九元元和戶一千八百七十一鄉九

墾田

古越地也秦南取百越以為桂林郡秦末趙佗自立為南越王其地復屬焉漢元鼎六年平呂嘉又以其地為蒼梧郡之廣信縣也領縣十一自漢至陳為郡不改開皇十年罷郡為蒼梧縣屬靜州大業三年罷靜州復為蒼梧郡武德五年於郡置梧州

州境東西一百一十里

八到西北取桂州路至上都四千三百三十五里

東南沿流至封州五十里
西北沿流至富州三百二十里

正南微西至義州三百里
西南沿流至藤州一百里

西北至桂州六百三十里

貢賦開元貢白石英二十兩

管縣三 蒼梧 戎城 孟陵

蒼梧縣下 本漢蒼梧郡廣信縣地也。自漢迄陳不改。開皇十年罷郡於此立蒼梧縣。皇朝因之。

通星山在縣北六十二里。漢劉曜為太守常登此山仰觀星歷。因號通星山。

鬱水南去縣八里。

戎城縣下 東北至州二十里。本漢廣信縣地。梁於此置遂城縣。開皇十年虞慶則南征頓兵於此。改為戎城縣。皇

朝因之。縣北臨西江水。

孟陵縣下 南至州水路九十里。本漢舊縣也。屬蒼梧郡。隋省。武德四年重置。屬藤州。貞觀八年改屬梧州。

賀州上 開元戶二千五百三十七。鄉十。元和戶四百四十九。

漢蒼梧郡地。今州即蒼梧郡之臨賀縣也。吳黃武五年割蒼梧置臨賀郡。賀水出州東北界。西流又注臨

水。郡對臨賀二水。故取名焉。吳屬荊州。晉屬廣州。開皇元年以郡為賀州。大業二年廢州。以縣屬蒼梧郡。

武德五年復置賀州。

州境東三百七十里。南四百一十里。

八到西北至上都三千八百五十五里。西北至東都三千五百九十五里。

西至昭州三百里。西南至富州三百一十里。

南至封州三百六十里
西南至梧州四百一十里
東至連州二百七十里

貢賦開元貢 蕉布 蝟蛇胆 石斛 竹布
元和貢 銀三十兩 千金藤 班弓 彈弓 面

管縣六 臨賀 封陽 馮乘 桂嶺 蕩山 富川

臨賀縣下 本漢舊縣也。自漢至陳不改。大業二年省臨賀縣入富川縣。十二年重置屬蒼梧郡。武德四年改屬賀州。

縣北四十里有大山。山有東遊龍中二冶。百姓採沙燒錫以取利焉。

臨水東去縣十步。又有賀水合。更名臨賀水。

封陽縣下 北至州二 本漢舊縣。屬蒼梧郡。在封水之陽。故名。吳屬臨賀郡。隋屬桂州。武德四年屬賀州。

長林山在縣東五里。

臨賀水東去縣百步。

馮乘縣下 東南至 本漢舊縣。屬蒼梧郡。界內有馮溪。因以為名也。吳屬臨賀郡。至隋不改。大業三年改

屬零陵郡。武德四年屬賀州。

萌渚嶠在縣北一百三十里。即五嶺之第四嶺也。按今縣與道州江華縣分界於此嶠之上。

錫冶三。

桂嶺縣。州下。西南至八十二里。本漢臨賀縣之地。吳分置建興縣。屬臨賀郡。晉改爲晉安縣。開皇十八年改爲桂嶺

縣。屬連州。因界內桂嶺爲名。武德四年改屬賀州。

桂嶺在縣東十五里。

程崗在縣東南一百二十里。

朝崗在縣北四十五里。並有鐵錮。自隋至今採取。

蕩山縣。下。東至州百七十二里。蕭梁於此立縣。大業二年省。武德四年復置。

蕩山在縣西七里。

富川縣。下。東南至州一百四十五里。本漢舊縣。屬蒼梧郡。吳屬臨賀郡。隋屬桂州。武德四年改屬賀州。

鍾乳穴三。

靈溪水今名富水。去縣西二里。

昭州。平樂。開元戶七千三百七十八。鄉七十二。元和戶一千五百七十八。鄉七。

本漢蒼梧郡之富川縣地也。吳甘露元年分富川縣置平樂縣。屬始安郡。至隋不改。武德四年於縣置樂州。貞觀八年改樂州爲昭州。取境內昭潭爲名。

州境東四一百七十五里
南三百三十七里

八到西北至上都三千九百三十五里
西北至東都三千六百七十五里

西北至桂州二百里
北過嶺至永州六百里
水路三百里

東至賀州三百里
東北過嶺至道州四百里

東南水路至富州一百六十里

貢賦開元貢銀三十兩
元和貢同

管縣三 平樂 茶城 永平

平樂縣下 郭下 本漢富川縣地 吳於此置平樂縣 取平樂溪為名

目巖山在縣北三十八里 巖有兩孔相對 如人目 瞳子白黑分明 因號為目巖

葵山在縣南十里 山有木客

縣東三十一里有陽里穴 那溪穴 新穴 皆出鍾乳

平樂溪在縣南三里 水面約岸有昭潭 周迴一里 其深不測

茶城縣下 州下 西南至 武德四年 析平樂縣置

銀殿山 其下有鍾乳穴十二所 在縣東二十八里

平樂水西去縣二百步。

永平縣州下西南至證聖元年割平樂縣永平鄉置因鄉為名。

縣南臨永平水西流入平樂縣界。

象州象郡下開元戶三千二百九十元和平戶二百三十三。

漢平南越置鬱林郡今州即鬱林郡中溜潭中二縣地也開皇十二年廢二縣以潭中縣為桂林縣仍以

桂林置象州大業二年廢象州以桂林縣屬桂州武德四年平蕭銑析桂林立武德縣仍於縣理重置象

州取界內象山為名。

州境東西北

八到北至上都四千二百二十五里東北至東都三千九百六十五里

西南至嚴州二百八十里東南至康州陸路一百九十里

東至南潯州一百一十里西至柳州一百六十里

貢賦開元貢銀二十兩元和貢同

管縣三 陽壽 武仙 武化

陽壽縣下本漢中溜縣之地也開皇十一年廢中溜縣入桂林縣又析桂林置陽壽縣屬象州。

象山在縣西北三里。

陽水南去縣二十步。

武仙縣下一百二十里至州。武德四年析桂州建陵縣南置。

武化縣州下六十五里至武德四年析桂州建陵縣之南界置屬晏州。貞觀十二年廢晏州改屬象州。

柳州龍城開元戶一千三百七十四。鄉十四。元和戶一千二百八十七。鄉七。

本漢鬱林郡潭中縣之地。迄陳不改。開皇十一年改潭中為桂林縣。仍析桂林為馬平縣。屬象州。隋末陷賊。武德四年平蕭銑於此置昆州。又改為南昆州。貞觀八年改為柳州。因柳江為名。

州境東四北

八到北至上都四千二百四十五里。

東至北至東都四千二百四十五里。

東至東至象州一百六十里。

北至北至融州陸路一百二十三里。水路三百八十里。

貢賦開元貢銀二十兩。
元和貢同。

管縣五 馬平 龍城 洛容 洛封 象縣
馬平縣下。郭下。隋開皇十一年析桂林縣置屬象州。貞觀屬柳州。

潭水東去縣二百步。

柳江在縣南三十步。

龍城縣州下東南至八十八里。開皇十一年析桂林縣置。

潭水在縣西十里。

龍溪水經縣南入潭水。

洛容縣州下東南至一百二十里。永徽中置屬嚴州。天授二年割屬柳州。

洛封縣州下東南至一百七十里。本烏蠻所住村名。乾封二年招慰蠻戶因為縣。

象縣州下西南至六十五里。陳於今縣南四十五里置象郡。開皇九年廢郡為縣。龍朔三年為賊所蕪。乾封二年復置。總章元年屬柳州。

嚴州循德下開元戶一千一百六十。鄉十四。

本漢鬱林郡中溜縣之地。乾封二年於廢昆州樂沙縣置嚴州。仍改樂沙縣為懷義縣。州城南枕大江。當

桂州往邕州之路。在嚴崗之上。因為名。

州境東西一千四百四十一里。
南北三百八十二里。

八到北至上都四千四百五十里。
東北至東都四千一百二十五里。

西南至賓州一百九十里。
南至澄州二百二十里。
東北至柳州陸路二百里。

貢賦。

管縣二 循德 來賓

循德縣下。武德四年。析桂林立陽德縣。其年。又改名循德縣。本屬柳州。永徽初。割入嚴州。仍為州治。

古郎山在縣西四十里。

都泥江南去州一里。

來賓縣下。東至本樂沙縣也。乾封二年。為懷義縣。天寶二年。改曰來賓。在都泥北來賓水東。故以為名。

融州融水。開元戶一千七百七。鄉七。
元和戶二百四十二。鄉五。

本漢鬱林郡潭中縣地也。自漢迄宋不改。蕭齊於此置齊熙郡。梁大同中。又於郡治置東甯州。開皇十一年。改為融州。廢齊熙郡為義熙縣。大業二年。州廢。武德四年。平蕭銑。於義熙縣復置融州。因州界融山為名。

州境。東四百四十七里。
南四百九十七里。

八到。北至上都取桂州路四千一百九十五里。
東北至東都三千九百三十五里。

東至桂州四百九十五里。陸路二百三十里。

南至柳州水路三百八十里。防風。黃藤。賞賦。元和。黃。金。二。兩。桂。二十五。勛。

管縣二 融水 武陽

融水縣。下。開皇十一年。改齊熙郡為義熙縣。屬融州。武德六年。改為融水。

銅鼓山在縣西南二十五里。

融溪水在縣北五十二里。

武陽縣。下。東北至。開皇十一年。析義熙縣置臨梓縣。永徽元年。廢入融水。龍朔二年。重置。改為武陽。

武陽溪水在縣東十里。

夔州。臨江。開元。戶。二千。四百。二十。鄉。十五。元。和。戶。二。百。七。十。六。

古越地也。漢平南越。置蒼梧郡。今州即蒼梧猛陵縣之地也。晉分猛陵置永平郡。又為永平郡之武林縣。

地也。貞觀三年。於此置夔州。七年。移夔縣於今州東六十五里。於燕州舊治置夔州都督府。因夔江為名。

也。

州境。東北。南。西。

八到。北。至。東。都。四。千。三。百。一。十。五。里。桂。路。四。千。五。百。七。十。五。里。

北至象州三百一十里。
南至隴州一百七十四里。
東至藤州一百四十里。
西至潯州泝流一百三十里。
正北微東至蒙州二百三十里。

貢賦。開元貢。銀二十兩。
元和貢。

管縣五 平南 武林 隋建 大同 陽川

平南縣下。本漢猛陵縣地。貞觀七年。於此置平南縣。屬龔州。

燕石在縣東南十里。

龔江一名潯江。亦名都泥江。在縣南五十步。

武林縣下。西北至本漢猛林縣地。宋元嘉二年。置武林縣。屬永平郡。隋屬藤州。貞觀七年。割屬龔州。

潯江東南去縣十五里。

隋建縣下。西北至開皇十九年。分武林縣置。屬藤州。貞觀七年。割屬龔州。

盧越水在縣東南一百一十步。

大同縣下。南至州七十五里。本漢鬱林郡布山縣之地也。貞觀七年。於此置大同縣。屬龔州。

花憐水在縣東北二十步。

陽川縣下東南至本漢布山縣地貞觀七年於此置西平縣屬龔州天寶元年改爲陽川

仙人山在縣東北三十里

潯江南去縣三十五里

富州開江下開元戶一千三百一十一鄉四元

禹貢荊州之域漢平南越置蒼梧郡今州卽漢蒼梧郡之臨賀縣地也梁武帝分臨賀郡置南靜郡開皇

中廢武德五年重置靜州貞觀八年改爲富州因富川水爲名也

州境東四一百七十六里

八到北至上都四千九百三十五里

東南至梧州三百二十里

東北至昭州一百六十里

賈賦開元賈班布五疋

管縣三 龍平 開江 思勳

龍平縣下本漢臨賀縣地也梁於此立南靜郡開皇十一年廢以龍平縣屬桂州貞觀八年改置富州

縣割屬焉

灘水東去縣二十一歩。

富川水經縣南。又東入灘水。

開江縣。州下。北至一百里。本漢猛陵縣地。梁於此置開江郡。開皇十年。罷郡爲縣。以屬靜州。大業二業。廢。武德五

年。復置屬梧州。神龍元年。割屬富州。

桂江在縣西四里。

思勲縣。下。南至州一百四十里。右聖歷元年。分龍平縣置。二年。於縣置武安州。開元二年。廢。以縣屬富州。

富川水在縣東五十歩。南流。

印崗山在縣北四十五里。

蒙州。蒙山下。開元戶一千六百二十七。元和戶二百七十二。

本漢蒼梧郡地。今州卽漢蒼梧郡之荔浦縣也。開皇十年。分置隨化縣。屬桂州。武德五年。於此置南恭州。

貞觀八年。改爲蒙州。因蒙水以爲名。

州境。東西北

八到。北至上都四千五百九十二里。西至象州三百五十里。

西南至象州三百五十里。

東至賓州九十里。
北至桂州三百四十七里。
西北至桂州荔浦縣八十里。

貢賦開元貢 鈔金十兩。
元和貢 鈔金十兩。

管縣三 立山 正義 東區

立山縣下 本開皇十年分荔浦置隨化縣屬桂州武德五年置立山縣屬荔州改屬蒙州。

蒙水舊名涇水在縣北二里。

正義縣下 東南至武德五年分荔浦縣置屬荔州改屬蒙州。

蒙水在縣南四里。

乳穴二。

東區縣下 西北至武德五年分荔浦縣置。

涇水西北去縣三十五里。

葛峩鎮在縣城內。

思唐州武耶 開元戶六十一 鄉二。

永崇二年前桂州司馬夏侯處廉奏割巽蒙象三州置開元二十四年奏為羈縻州建中元年昇為正州。

額。

州境東四北

八到西北至上都四千二百一十里

北至東都三千九百五十里

東至富州三百八十里

西至象州一百四十里

南至蒙州一百六十里

貢賦開元貢銀十兩

管縣二 武郎 平原

武郎縣下 郭下 右與州同時置 前臨馳禮江

唐嶺在縣西南四十里 與平原縣分界

平原縣下 州八十里東北至 右與州同時置 前臨思洪江

元和郡縣圖志卷三十七考證

嶺南道四

始安桂州注

按州敍及舊志宜作建陵。

中都督府。

舊志中作下。

五十元和下

官本作六十。

移於今治。至德元年改爲建陵府。州敍

治官本作理。是南本改。元年唐志作二年。府官本作郡。南本改。此誤。

五十五里。八到下

官本作四十五里。

二百三十五里。

昭州八到作二百里。水路三百里。

五百三十里。

官本三作四。與柳州合。南本改。

五十里。

蒙州作四十七里。

九十里。

融州十下有五字。

四十四面。開元

官本作四十面。後按云。此桂州與後梧、賀、昭、象、柳、嚴、融、龔、富、蒙諸州及思、唐州之賦。據唐六典。當是紵

布。而傳寫並缺。

治定。管縣 幕化。下

治官本作理。是南本改。幕宜作恭。詳後。

至德二年。改爲臨桂。臨桂縣

官本下按云。唐書地理志云。貞觀八年。更名。與此異。

楊僕平兩越。出零陵。下灘水。桂江條

官本兩作南。是出零陵下灘水。語見水經注。以漢書攷之。乃戈船將軍歸義越侯嚴事。非楊僕也。

冷山。鑑川縣本條

樂史作冷石山。

武德四年。永福縣敘

樂史作開皇十一年。誤。

至州三百四十里。建陵縣注

上有脫文。官本作北。

治定縣。

治宜作理。王象之引此作治。按曰。唐以高宗諱。凡言治者。則以理字代之。不應曰治定。蓋自宋已訛。官本作理。後人改正。下同。

分始安縣置。縣敘

官本下有興安縣三字。按云。隋志。大業初。廢興安縣入始安。其何時復置。此缺載。南本从之。慕化縣。

舊志作恭化。各地理書多誤作慕化。馬端臨曰：唐曰恭化，後唐改慕化。此恐後人誤改。

五十里。注縣

官本作二十里，與樂史合。

析始安縣。縣敘

語義未完。宜有脫文。官本下有置字，亦未詳。南本从之。按舊志云：分始安置純化。元和初改恭化。

貞觀十二年。荔浦縣敘

舊志作十三年。歐陽忞、王象之並與此合。

領縣十一。梧州敘

官本無一字，與漢志合。宜衍。

武德五年。

舊志作四年，非。

七百五里。八到下

七官本作一。

白石英。開元實

官本下有二十兩。南本增。後無元和貢云云。

下。著梧縣注

宜注中字。會要云。貞元七年升。

置遂城縣。戎城縣敘

隋志作遂成。

開皇十年。

隋志。樂史並作十一年。

改爲戎城縣。

官本按云。遂城。戎城之城。隋志並作成。

本漢舊縣也。孟陵縣敘

官本按云。前後漢書並作猛陵。

武德四年重置。

樂史云。蕭銑改置孟陵。

開皇元年。賀州敘

元宜作九

五十五里八到
下

官本作五十里

西北至東都

官本無西字宜作東北

六十

封州作九十

縣北云云臨賀縣
本條

官本接縣敘是

二百四十五里封關
縣注

官本二作一南本改樂史同此誤

晉改爲晉安縣桂嶺
縣敘

晉安官本作興安是南本从之按晉志臨賀郡無晉安

武德四年復置蕩山
縣敘

官本按云唐志天寶後置與此異。

取境內昭潭爲名。昭州敘

官本按云舊唐書作昭岡潭。今按樂史昭潭下引湖南記云郡北有昭岡潭只在江中蓋因岡以爲名。詳其文義岡字宜斷句潭字屬下。劉昫蓋誤屬上讀宜以此志爲是。

西北至東都。八到下

官本無西字是。

同。昭州元和實

官本作銀二十兩與前異南本从之。

茶城。管縣下

官本作恭城與唐志合此誤下同南本改。

吳於此置平樂縣。平樂縣敘

舊志云晉置非沈約云吳立。

三十八里。目巖山條

王象之引無八字。

十里山有木客。象山條

王象之引作三十里木官本作本誤。

縣東三十一里。郝溪穴新穴。

王象之引無一字。郝作那與官本同。新作兩。

水面約岸有昭潭。平樂溪條

面約官本作之西。義長王象之引作約西。恐亦訛。

武德四年置。茶城縣敘

唐志云蕭銑置。

二百步。平樂水條

王象之引二作一。

象郡。象州注

舊志作象山郡。新志及通典與此同。他州下並無郡字。

開元戶云云。

官本下有鄉十。

二百三十三。元和戶

官本作二百二十二。

中溜州。敍

官本溜作留。按云。後漢書。宋書並作中溜。惟前漢書作中留。而顏師古注曰。留音力救反。水名。則音義實同。

十二年。

官本二作一。王象之引同。南本从之。按陽壽縣及柳州敍並作十一。此誤。

取界內象山爲名。

下宜有脫。按本敍。立象州在武德縣。而後文云。陽壽爲郭下。唐志云。貞觀中。自武德移治武化。大歷十一年。移治陽壽。天寶中。省武德入陽壽。樂史云。改武德爲陽壽。而不詳陽壽爲隋縣。亦疏。

貢賦云云。

官本無元和條。

西南。武仙縣注

官本作西北是。

七、柳州元和

官本作九。

至東都四千二百四十五里。八到下

官本二作一下無五字南本从之。

一百二十三里。

融州作二百三十里。

貢賦云云。

官本無元和條。

開皇置龍城縣

官本下按云隋志梁置今按王象之引郡邑記曰梁大同三年八龍見於江乃即江南置龍城縣與此別。

永徽中置洛容縣

唐志作貞觀按本敘云屬嚴州而嚴州敘云乾封二年置互有歧異未知孰的。

廢郡為縣象縣

官本按云舊唐書云貞觀中置與此異。

循德廢州注

舊志作修德疑脩循形近訛。

一百六十開元戶

官本一作六南本从之。

乾封二年州敘

舊志云元年招致生獠置與此別。

南至澄州二百二十六里八到下

南宜作西南澄州作三百三十里。

管縣二。

按唐志嚴州有歸化縣與州同置樂史云與州同廢此志敘述不及顧祖禹曰歸化廢縣在來賓縣南。

又改名循德縣循德縣敘

官本下按云舊唐書云改歸德爲修德與此陽德循德並有異。

仍爲州治。

官本治作理。是南本从之。融州、龔州、絳同。下按云：永徽在乾封前，州為乾封二年置，則縣之為州理，必非永徽初。此蓋有訛脫字句。

為義熙縣。融州絳

王象之引縣作郡，非。

北至上都取桂州路。八到下

官本無取桂州路。

四百九十五里。

桂州無五字。

二百三十里。

柳州作一百二十三里。

武德六年。融水縣絳

舊志作四年。

置臨祥縣。武陽縣絳

官本祥作牂。

改爲武陽。

官本下按云。唐書地理志。天寶初。併黃水。臨牂二縣更置。與此異。

又爲永平郡之武林縣地也。魏州

敘

按晉志有武城。無武林。此志武林縣敘云。宋元嘉二年置。與此別。宜有脫誤。南本爲下增隋字。移鸞縣。於燕州舊治。

官本縣作州。燕作鸞。南本从之。治作理。此誤。

西至潯州。沂流一百三十里。八到

下

官本西作西南。是潯州三十作二十三十里。

蒙州作五十里。

燕石山在縣東南十里。平南縣

本條

官本燕作鸞。南本从之。歐陽忞作石燕山。通志云。山出石燕。故名。王象之引十作十二。

班布。富州開元

官本班作班。下有五疋。後無元和條。

思勳管縣下

官本作思勤。樂史同。南本改。此疑訛。下仿此。

四里開江縣桂江條

官本作二里。

右聖歷元年分龍平縣置思勳縣敘

官本無右字。宜衍。下按云。唐書地理志。天寶後置。與此異。今按本敘開元二年云云。是立縣在天寶前。

唐志恐誤。

二十七蒙州開元戶

官本二作三。南本从之。下有鄉七。此脫。元和鄉同。

三百五十里八到下

襲州作二百三十。

四十七里。

桂州作五十里。

賞賦云云。

官本無元和條。

武德五年云云。正義縣敘

樂史云貞觀五年置純義縣屬荔州。永貞元年改爲正義。避憲宗之諱。與此別。

永崇二年。思唐州敘

官本按云永崇卽永隆。唐高宗年號。後因避明皇諱改隆爲崇。

西北至上都。八到下

官本無西思唐州在今廣西潯州府平南縣北。

北至東都。

官本作東北。此脫。

右與州同時置。武耶縣敘

右宜衍官本無南本削平原縣敘同。

元和郡縣圖志卷第三十八

嶺南道五

邕管經略使 邕州 貴州 賓州 澄州 橫州 欽州 潯州 蠻州

安南都護 交州 愛州 驩州 峯州 陸州 演州已上朝貢 長州 郡州 諒州 武安州 唐

林州 武定州 貢州已上附貢

兼管羈縻州三十一

邕州開元戶一千六百二十四 鄉十二

今爲邕管經略理所

管州八 邕州 貴州 賓州 澄州 橫州 欽州 潯州 蠻州

縣三十三

古越地也。秦併南越。爲桂林縣地。在漢爲鬱林郡之領方縣地也。晉於此置晉興郡。隋開皇十四年。廢晉興郡爲晉興縣。屬簡州。大業三年。州廢。以縣屬鬱林郡。武德四年。於此置南晉州。貞觀六年。改爲邕州。因州西南邕溪水爲名。乾封二年。置都督府。後爲夷獠所陷。移府於貴州。景雲二年。州界平定。復於邕州置

都督府

州境東四北

八到北至上都取象州路四千七百七十五里取藤州路五千四十五里

北至東都四千五百八十五里

東至欽州三百三十里

西南至澠州二百八十里

東南至安南一千里

東北至澄州二百四十里

貢賦

管縣七 宣化 武緣 晉興 朗甯 思籠 封陵 如和

宣化縣下本漢領方縣地開皇十四年於此置晉興縣十八年改為宣化縣屬鬱林郡武德屬邕州

鬱江水經縣南二十步

左溪右溪在縣東西流至縣東南同注鬱江

武緣縣中西至本漢領方縣地開皇十一年於此置武緣縣屬緣州大業三年廢武德五年又置

鬱江水經縣南去縣三十步

都稜鎮在縣西水路一百里

晉興縣中下南至本漢領方縣地晉於此置晉興縣開皇十四年省武德五年又置

朗甯縣。州百八十里。南。本漢增食縣地也。武德五年。分置朗甯縣。屬南晉州。改屬邕州。

思籠縣。州三百里。東。至。

封陵縣。中。下。州一百里。右二縣並景雲後置。

如和縣。中。下。州九十里。東北。本漢合浦縣之地。武德五年。析欽州南賓。安京二縣地置如和縣。因縣西南四十里。

如和山為名。屬欽州。景雲二年。割屬邕州。

貴州。下。懷。澤。開元。戶。三千六百二十九。鄉十九。

本西甌駱越之地。秦併天下。置桂林郡。尉佗王越。改桂林為鬱州。後又為桂林。元鼎六年。平南夷。改桂林為鬱林郡。梁時於郡置南定州。開皇十年。罷鬱林等郡。改南定州為尹州。大業二年。改尹州為鬱州。三年。罷州為鬱林郡。隋末陷賊。武德四年。平蕭銑。於郡置南尹州。并置總管府。八年。改南尹州為貴州。

州境。東。北。西。南。一百三十七里。

八到。西北。至。上都。取。梧。桂。州。路。四。千。八。百。七。十。五。里。取。象。州。路。四。千。五。百。八。里。

東北。沿。流。至。潯。州。二。百。一。十。五。里。陸。路。一。百。四。十。里。

東。至。鬱。林。州。一。百。四。十。里。

西。至。賓。州。二。百。一。十。五。里。

貢賦 開元貢 紵布

管縣四 鬱林 懷澤 義山 湖水

鬱林縣上 郭下 本漢廣鬱縣也。吳改為陰平。晉改為鬱平。開皇十年於此置鬱林縣。屬鬱林郡。武德屬桂州。

顯朝岡在縣北二十里。陸績為太守。每登此岡。制渾天圖。

鬱江水南去縣十五步。

石井亦名司命井。在縣北二里。竭則人疾疫。歲不登。

懷澤縣州下 北至一百里。本漢廣鬱縣地。武德四年置。

義山縣州下 東北至八十里。本漢廣鬱縣地。開皇十年置馬度縣。因縣南三十里馬度山為名。武德四年改為馬

嶺。天寶元年改為義山。

潮水縣州下 東至五十里。本漢廣鬱縣地。武德四年分置潮水縣。

浮溪水在縣南三十里。

賓州領方 開元戶一千八百九十五。鄉十一。

古越地也。今州即漢鬱林郡之領方縣也。至隋不改。隋亂陷賊。貞觀五年析澄州三縣於此置賓州。

州境東西一百三十一里。
南北六十三里。

八到北至上都四千五百九十五里

東南至東都四千三百三十五里

西南至溫州二百四十五里

西北至澄州八十八里

東至貴州二百二十五里

東北至嚴州一百九十五里

貢賦開元實銀筒布燕布

管縣三 領方 瑯琊 保成

領方縣下 本漢舊縣也。吳改爲臨浦縣。隋復爲領方。屬鬱林郡。武德四年。屬南方州。貞觀割屬賓州。

都婪水去縣三十三里。

瑯琊縣下 西北至武德四年。析領方縣置。屬南方州。貞觀割屬賓州。

瑯琊水在縣西一里。

保成縣下 西至五十里。本漢廣鬱縣地。屬鬱林郡。梁置安成郡。隋改縣屬鬱林郡。貞觀割入賓州。至德二年。改名保成。

可零水出縣西平地北流。

澄州賀水 開元戶二千一百六十五。鄉十二。

古越地也。今州卽漢鬱林郡之領方縣地也。漢領方縣今賓州領方縣也。自漢迄隋。其地不改。隋亂陷賊。

武德四年平蕭銑於此置南方州貞觀八年改為澄州

州境東四三百五十三里
南三百三十三里

八到北至上都四千六百三十五里
東至東都四千三百七十五里

東至貴州三百四十一里
西至邕州三百三十九里

南至賓州三百三十九里
北至嚴州三百三十里

貢賦關元貨銀

管縣四 上林 無虞 止戈 賀水

上林縣下 本漢領方縣地也武德四年分置上林洞口因以為名

都澧水在縣北一百步

無虞縣下 西南至武德四年析領方縣置屬南方州改屬澄州

羅富山在縣西五里

都澧水在縣北一里

止戈縣下 東至武德四年析領方縣置屬南方州改屬澄州

賀江水一名都泥江在縣北一百九十里

賀水縣下。西南至州一百九十里。武德四年，析柳州馬平縣置，屬南方州。改屬澄州。

都泥江在縣北一百四十里。

橫州甯浦下。開元戶一千三百七十八。鄉十八。

古越地。趙佗王越地亦屬之。漢平南越置合浦郡。今州即漢合浦郡之高涼縣地也。在今高州界。晉於合

浦北部置甯浦郡。開皇十年廢為縣。以屬簡州。十八年改簡州為緣州。大業三年廢州為鬱林郡。隋末陷

賊。武德四年蕭銑重置南簡州。貞觀八年改為橫州。至德移於舊州東七里鬱江北岸。

州境東四一百三十二里。南一百一十一里。

八到北。至上都取貴象州路四千七百五十里。取藤州水路四千一百七十五里。至東都四千八百一十

東北至東都四千三百九十五里。東北至貴州水路一百七十五里。

西南至欽州水陸相兼三百一十一里。

貢賦。開元貢銀。

管縣四。甯浦。樂山。涼風。嶺山。

甯浦縣下。郭下。本漢高涼縣地也。吳分為甯浦縣。開皇屬鬱林郡。貞觀中屬橫州。

鬱江水俗名蠻江水。北去縣十步。

樂山縣下。四至州水。本漢廣鬱縣之地。陳於此置樂陽郡。開皇十年廢郡爲縣。仍爲樂山。屬緣州。大業

改屬鬱林郡。貞觀改屬橫州。

蠻江南去縣七步。

涼風縣下。四南至武德四年。析甯浦縣之北界置。

鰲江水經縣西去縣百步。

嶺山縣下。東至本漢高涼縣之地。梁於此置嶺山郡。開皇十年廢郡爲縣。屬鬱林郡。武德四年改屬橫

州。

蠻江北去縣五步。

欽州甯越下。開元戶二千二百八十。鄉十二。

古越地非九州之域。尉佗王越地亦屬焉。漢平南越置合浦郡。今州卽合浦郡之合浦縣是也。按合浦在廉州界。宋分合浦置宋壽郡。梁武帝於今欽江縣南三里置安州。開皇十八年改安州爲欽州。取欽江爲名也。大業三年改爲甯越郡。武德四年平蕭銑改爲州。仍爲都督府。貞觀元年罷都督府。復爲州。

州境東四百七十三里。

八到北至上都五千五百五里。

東北至橫州三百十里。
東至廉州三百三十三里。
四南至陸州七百四十里。

貢賦。開元貢銀、金。

管縣五。欽江。安京。遵化。內亭。虛山。

欽江縣下。郭下。本漢合浦縣之地。宋於此置宋壽郡。開皇十九年。罷郡爲欽江縣。屬欽州。皇朝因之。

豐子嶺在縣北一百二十里。

欽江在縣東二百步。

西零戍在縣南三百步。

安京縣下。州下。西北至梁武帝分宋壽郡於此置安京郡。開皇十年。廢郡爲縣。屬欽州。皇朝因之。

羅浮山在縣北十里。俗傳似循州羅浮山。因名之。

遵化縣下。州下。西南至州。隋開皇二十年。置本合浦縣地也。

欽江水源出縣東北閣博山。

內亭縣下。州下。東南至本漢合浦縣地。開皇十七年。置名新化縣。十八年。改名內亭。屬欽州。皇朝因之。因內

亭水爲名。

虛山縣下南至州九十六里。開皇十八年於州北四十八里置南賓縣。貞觀十年移於峰子嶺南。天寶元年改為虛山縣。今南四十里謂之水步。即是欽州。北來人泝流捨舟登陸處。

潯州潯江下。開元戶一千七百一十六。鄉五。

本漢合浦郡地。貞觀七年分置潯州。取北潯江為名。十二年廢入龔州。長壽元年又割龔州桂平、皇化、大賓三縣重置潯州。

州境東北、東南、西南、西北

八到北至上都四千六百九十五里。
東至東都四千一百七十五里。

東北沿流至龔州一百二十里。
東南沿流至貴州一百二十里。
西南至象州八十里。
陸行一百里。
西北至象州陸行二百一十里。

貢賦。

管縣三 桂平 皇化 大賓

桂平縣下。本梁於此置桂平郡。開皇十年罷郡為縣。屬鬱林郡。貞觀七年於縣置潯州。十二年廢。以縣屬龔州。後復置縣。又屬焉。

皇化縣下。西至開皇十一年置。因縣東一里皇化水為名。大業二年廢。貞觀七年復立。

大賓縣州下四十里開皇十五年分桂平縣置以縣西北賓水爲名武德七年曾於縣置潯州後移於桂平縣

蠻州永定本漢領方縣地貞觀末永徽初置後以蠻俚背叛廢於其城置驛開元十五年李商隱重奏置

州境南東

八到西北至上都取橫象州路四千八百五十五里

西北至東都四千六百三十五里

東沿流至邕州一百三十里

貢賦

管縣三 定永 武羅 靈竹

定永縣下

武羅縣下北至

靈竹縣下西至

安南上都護府上交趾 開元戶二萬五千六百九十四

今爲安南上都護理所

鄉五十五

羈靡州三十二

管州十三 交州 愛州 驩州 峰州 濱州 陸州已上朝貢 長州 郡州 諒州 武安州 唐

林州 武定州 貢州已上附貢

縣三十九 都管戶二萬七千一百三十五

古越地也。秦始皇平百越，以為桂林、象郡。今州即秦象郡地也。趙佗王南越地，又屬焉。元鼎六年，平呂嘉，遂定越地，以為南海、蒼梧、鬱林、合浦、交趾、九真、日南、珠崖、儋耳九郡。元封五年，置刺史，以部之名曰交趾者，交以南諸夷，其足大指廣，兩足並立則交焉。漢本定為交趾刺史，不稱州，以別於十二州。建安八年，張津為刺史，士燮為太守，共表請立為州。自此始稱交州焉。吳黃武五年，分交趾、日南、九真、合浦四郡為交州。南海、鬱林、蒼梧三郡為廣州。尋省廣州還併交州，以番禺為交州理所。後又徙於交趾。晉太康中，徙理龍編。開皇十年，罷交趾郡為玉州。仁壽四年，置總管府。大業三年，罷州，復為交趾郡。武德四年，又改為交州總管府。永徽二年，改為安南都督府。至德二年，改為鎮南都護府，兼置節度。大歷三年，罷節度，置經略使，仍改鎮南為安南都護府。貞元六年，又加招討處置使。

府境東四百一十六里，南七百九十一里

八到北至上都六千四百四十五里，水路六千三百四十里，北至東都五千七百八十五里，水路六千三百四十里

西北至峰州一百三十里。

西南至陸州水行百九里。

貢賦 關元貢 皮 孔雀 橫 蕉布 犀角 白露 蛇膽 鸚鵡 金 草豆蔻 龍花葉 鷄毛 翠毛 鮫魚

管縣八 宋平 武平 平道 太平 南定 朱蔭 交趾 龍編

宋平縣上 郭下 本漢日南郡西捲縣地。宋分立宋平縣。屬九德郡。後改爲宋平郡。開皇十年改屬交州。武德

四年於此置宋州。貞觀元年廢宋州。改屬交州。

慈廣水經縣南二里。

蘇晉江南去縣二百步。

安陽王故城在縣東北三十一里。蓋昔交州之地。

羸隴音蓮 故城在縣西七十五里。本漢縣。屬交州。郡有差官。後漢交趾刺史理於此。後徙龍編。

武平縣中下 西南 至府九十里。本扶嚴夷城地也。吳歸命侯建衡三年破扶嚴夷。置武平郡。開皇十年廢郡。立崇平

縣。屬交州。武德四年改名武平。

平道縣中下 西北 至府五十里。本扶嚴夷地。吳時開爲武平郡。立平道縣。屬之。開皇十年廢郡。縣屬交州。

仙山在縣東北十三里。隱嶙數百里。則龍編之西門也。

太平縣。中下。東北。至府六十里。本扶嚴夷地。開皇十年分武平置隆平縣。開元二年改名太平。

南定縣。中下。東北。至府六十里。本漢羸陵縣地。貞元七年於此置南定縣。其舊南定縣在今縣東南二百餘里。繩糜

長州側近。開元十年復廢。

朱鳶縣。上。東南。至府五十里。本漢舊縣也。屬交趾郡。至隋不改。武德四年於此置鳶州。貞觀九年廢。縣屬交州。

朱鳶江北去縣一里。後漢馬援南征鑄銅船於此。揚排然火。炙船頭令赤。以燠涌浪。及殺巨鱗。橫海之類。

交趾縣。中下。東南。至府一十五里。本漢龍編縣地。開皇十年分置交趾縣。武德四年於此置慈州。貞觀元年州廢。縣

屬交州。

泊江水西北自崇平縣界流入至此。故名。

慈廉水北去縣四十步。

龍編縣。中下。西北。至府四十五里。本漢縣也。屬交趾郡。立縣之始。蛟龍盤編於江津之間。因以爲瑞而名縣也。武德

四年於此置龍州。貞觀元年廢。縣屬交州。

朱鳶江在縣北。卽櫟榆水之一源也。盧循之寇交州也。刺史杜慧度率水軍步晨出南津。以火箭攻之。燒

其船艦。一時潰散。循以中矢赴水而死。

交州故城在縣東十四里。吳時刺史陶橫所築。

石九子母祠在縣東十四里。

愛州九真。開元月一萬四千五百七十九。鄉八。鄉二十五。

秦象郡地也。漢元鼎六年平南越置九真郡。領胥浦、居風、都龐、龍音、餘發、咸驢、無切、無編七縣。屬交趾刺史。

梁武帝於郡理置愛州。大業三年改爲九真郡。武德五年邱和歸國罷郡。復爲愛州。

州境。東二百八十二里。南四百一十里。

八到。北至上都六千四百七十五里。北至東都六千二百一十五里。

東至海州一百四十里。東至長州水行四百五十里。

西至小獠界水行一百九十里。南至潁州二百五十里。

西北至小獠柵三百里。西北至安南都護五百里。水路七百里。

貢賦。開元貢。孔雀尾。元貢。孔雀尾十具。翡翠尾一百枝。檳榔五百顆。犀角二十觔。

管縣五 九真 安順 崇平 日南 軍甯

九真縣下。本漢居風縣地。吳改居風爲移風。開皇十七年分移風置縣。屬愛州。後漢任延爲九真太守。舊俗以射獵爲業。不知牛耕。人常苦糴。交趾每致困乏。延爲令作田器。教之墾闢。百姓充給。

居風山在縣西四里。上有風穴。長風自是出焉。其山出金。

珍山在縣西三里。

安鎮山在縣南三十一里。出石磬。勝於湘州零陵者。

安順縣。下西北至州九里。本漢居風縣地。吳改爲移風。又分置常樂縣。屬九真郡。開皇十年。改屬愛州。十六年。改

爲安順縣。皇朝因之。

浮岳山在縣西五里。

崇平縣。下北至州三十里。本漢居風縣地。晉於此立爲高安縣。屬九真郡。開皇十年。改屬愛州。十八年。改高安爲

隆安。開元元年。改爲崇安。至德二年。又改爲崇平。

日南縣。下北至州三十里。本漢居風縣地。晉分置津梧縣。開皇十年。析置日南縣。屬愛州。皇朝因之。

鑿山在縣北一百三十里。昔馬援征林邑。阻風波。乃鑿此山。彎爲通道。因以爲名。

海在縣東七十里。

軍甯縣。下東南至州二十里。本漢都龐縣也。晉分爲軍安縣。屬九真郡。開皇十年。改屬愛州。至德二年。改名軍甯。

驩州。下日南開元戶三千八百四十九。鄉十四。元和戶三千八百四十二。鄉六。

古越地。九夷之國。越裳氏重九譯者也。在秦爲象郡。漢平南越。又置九真。吳歸命侯天紀二年。分九真之

咸驩縣置九德縣屬交州。梁武帝於此置德州。開皇十八年改爲驩州。取咸驩縣爲名也。大業三年改爲日南郡。武德五年改爲南德州。仍置總管府。貞觀元年改爲驩州。兼管羈縻州六。

州境東西北

八到北至上都六千八百七十五里
東至東都六千六百一十五里

東至海一百里
南至林邑國界一百九十里
北至濱州一百五十里

貢賦。元和貢。象芽。沈香。翡翠。犀角。金箔。黃屑。

管縣二 九德 越裳

九德縣州下。西至本吳所立。屬九德郡。後改屬驩州。

越裳縣州下。西至本吳所置。因越裳國以爲名也。屬九德郡。武德初屬智州。後屬驩州。

峯州承化。開元戶三千五百六十一。鄉十五。
元和戶一千四百八十二。鄉八。

古夜郎國之地。按今新昌縣界有夜郎溪。秦象郡之地。漢平南越。置交趾郡之蒼音彌。冷縣地也。吳歸命侯建衡三年分交趾立新昌郡。陳於此置興州。開皇十八年改爲峯州。大業二年州廢。以縣屬交州。武德四年又置峯州。

管羈糜州二十八

州境東四十七里
南六十里

八到北至上都六千一百五十里
北至東都五千八百四十五里
東南至安南府一百三十里
南至瀾口江一百里
北至羈糜南平州界二百里

貢賦開元貢 八藍絲 檳榔 荳蔻 蚌蛇膽
元和貢 荳蔻三千三百顆 翠毛一百合 犀角四十斤

管縣二 嘉甯 承化

嘉甯縣下本漢麓泠縣地也。吳分其地立嘉甯縣。後因之。

承化縣下東南本麓泠縣地也。天寶元年分置承化縣。漢交趾地也。

陸州玉山開元戶一千九百三十四。鄉六。元和戶二百三十一。鄉三。

本漢交趾郡地。梁大同元年於郡分置黃州。開皇十八年改為陸州。以在海南。有陸路通海北。因以為名。州在窮海。不生菽粟。又無絲絳。惟捕海物以易衣食。蓋島夷卉服之類也。

州境東西北七百里
南五十四里

八到西北至上都水陸相兼六千一百二十里
西北至東都五千八百六十里

貢賦開元貢 玳瑁 甲香 龜皮
元和同

管縣三 甯海 烏雷 華清

甯海縣下 郭下 本梁安海武德四年又置海平至德二載更今名

羅佩山在縣東九里其山在大海中也

烏雷縣下 州西北 一里 本在州東水路三百里總章元年置在海島中因烏雷州爲名大歷三年與州同移於

安海縣理

狗理山在縣東四里

華清縣下 州西 一里 本名玉山縣天寶元年改爲華清本在雷烏縣北四十里大歷三年與州同移於安海

縣理南枕大海

官井山在縣東約五十里相傳越王過海泊船於此爲無淡水因鑿石爲井因號焉

濱州龍池 元和中戶一千四百五十 鄉三

古南越地漢九真郡之咸驩縣地也自漢迄隋不改武德五年於此置驩州領安人扶演相景西源四縣

貞觀元年以德州爲驩州改此爲濱州因濱水爲名其縣西控海當中國往林邑扶南之大路也

州境東 北

八到北至上都六千七百二十五里

北至東都六千四百六十五里

南至驩州一百五十里

貢賦開元貢 孔雀尾 黃屑 元和貢 金箔 黃屑

管縣三 忠義 懷驩 龍池

忠義縣下本漢咸驩縣地廣德二年分置忠義縣

懷驩縣下東至州二十四里本漢咸驩縣也咸德五年分置安人縣為濱州所理貞觀二十四年廢州改安人縣

為懷恩天寶二年又改為懷驩廣德二年復置濱州仍移理忠義縣

龍池縣下南至州二百五十里本漢無編縣地也蓋夷獠所附免其徭役故以無編為名後漢省垂拱二年於此置

龍池縣仍於縣理立山州廣德二年廢山州以縣屬濱州

大海在縣東四里

附貢州

長州文陽下西北至州約一百里

管縣四 文陽 銅蔡 長山 其長戶都六百四十八

貢金

郡州 西北至府約一百五十九里

管縣二 郡口 安樂 戶都三百三十五

貢 白蠟二十斤 孔雀尾二具 蟒蛇膽二枚

諒州 西北至府約二百里

管縣二 文諒 長上 戶都五百五十

貢 白蠟二十三斤

武安州 武曲 西至府約一百八十里

管縣二 武安 臨江 戶都四百五十六

貢 朝露 布食單

唐林州 北至府約一千里

管縣二 唐林 安遠 戶都三百一十七

貢 白蠟二十斤

武定州 東至府三百二十里

管縣二 扶耶 潭湍

戶都一
千二百

貢 翠毛二百二十合

貢州 西南至府二百五十里

管縣二 武興

古都
戶都三
百十八

貢 翠毛三百合

元和郡縣圖志卷三十八考證

嶺南道五

蠻州邕管經略下

官本作蠻南本从之與新舊志合下同

安南都護

官本下有府南本增

三十一安南都護兼管下

本鎮作三十二官本同南本从之均未的詳後

屬簡州大業三年州廢州

橫州敍云十八年改簡州爲綠州大業三年州廢此脫改簡州句

貞觀六年

唐志作八年通典作五年舊志樂史並與此合

西南至澧州東北至澄州二百四十里八到下

灤官本作讓誤澄州作西至邕州三百三十九里

貢賦

官本按云唐六典邕州貢銀賦紵布此並缺載

武德屬邕州

宣化縣敍

屬下宜有脫官本作屬南晉州貞觀改邕州與州敍合南本作武德四年屬邕州貞觀六年改爲邕州

五年又置

武緣縣敍

官本下按武緣晉興置屬南晉州後改邕州此並缺載

十四年省

晉興縣敍

官本下按云前邕州及宣化縣敍謂隋廢晉興郡爲縣又謂隋置晉興縣而此云晉置隋省者攷宋書州郡志晉元帝太興元年分鬱林立晉興太守所領有晉興縣蓋至隋而廢郡及縣別置晉興縣於百里南後改宣化參合乃明

本漢增食縣云

朗甯縣敍

官本按云唐書地理志武緣晉興朗甯並武德五年以宣化縣析置此不備敍蓋省文今按文義分字下宜詳何縣恐有脫文

右二縣云云。思籠封陵二縣敘。

此條宜別行方合右字義例。官本是下按云。唐書地理志思籠封陵並乾元後開山峒置。與此異。

八年。貴州敘。

此上宜有脫文。舊志作貞觀九年。新志作貞觀八年。

一十八里。州境下。

官本八作七。

西北至上都。西北至東都。八到下。

官本無西字。下作東北。

二百一十五里。陸路一百四十里。

官本二百作一百。潯州無一十五及四十。

一百七十里。二百一十里。

橫州七十下有五字。二百。官本作三百。南本从之。

鬱林。管縣下。

林宜作平。詳後。

鬱林縣

宜作鬱平縣。王象之曰：通典云：大唐以鬱平、懷澤、潮水、義山四縣置貴州，是鬱平縣隸貴州也。又云：以石南、鬱林等五縣置鬱林州，是鬱林縣隸鬱林州也。至國朝開寶，平嶺南廢鬱林州之鬱林縣入廣業縣，而改貴州之鬱平縣爲鬱林縣，而二縣之名始合爲一。新唐書卻以鬱平縣隸鬱林州，而以鬱林縣隸貴州，與通典殊不相應。蓋佑唐人也。紀唐之縣名，必不差謬，而新唐書以本朝更易之縣名而定唐人之縣名，不可以不辯。此志與佑同時，不應兩歧。蓋後人依新志改，非原文也。舊唐書亦作鬱平。顧祖禹曰：新唐書貴州治鬱林，誤。

武德屬桂州縣

官本桂作貴，南本改，此誤。

懷澤縣至管縣三云云。

官本缺。

保成賓州管縣下

官本成作城，南本从之，後同。

領方縣。

官本作嶺方下同。

三十三里。都婁水條。

三十官本作二十。

瑯琊縣。割屬賓州。縣敘。

舊志作琅邪。官本瑯作琅。此俗字。割屬上官本有五年。南本增。

今賓州領方縣也。澄州敘。

官本下按云。漢晉宋隋志皆作領方。至杜佑通典。新舊唐書乃作嶺方。當是貞觀後改書。今按此條宜列賓州本縣下。一統志表唐縣無山。與此同。

南至賓州。八到

南宜作東南。

北至嚴州三百三十里。

北宜作東北。嚴州作二百二十六里。

都澧水在縣北一百步。上林縣本條。

官本澧作澧。一百步作一里。

在縣西無虞縣羅富山條

官本下有北字

一百九十里賀水縣注

官本九作六

蕭銑重置橫州敘

上脫平字官本有

七百五十里 至東都云云八到下

官本十下有五字無至東都云云南本削

水路一百七十五里 一十一里

貴州七十下無五字欽州一十下無一字

涼風管縣下

官本涼作瀆並非詳後

本漢高涼縣地也甯浦縣敘

官本無也字按云舊唐書云漢廣鬱縣地與此異錢坫云高涼今廣東高州府電白縣廣鬱今廣西潯

州府貴縣與橫州爲近宜從舊志

開皇

官本下有時字南本增

廣鬱縣之地廢郡爲縣仍爲樂山大業樂山縣敘

官本廣鬱縣之地作鬱林郡雍雞縣地廢郡云云作廢郡改爲樂山縣大業下有初字南本並從之

貞觀

官本下有八年南本增

涼風縣

官本作瀉風南本從之會要云橫州從化舊名瀉風與憲宗廟諱同永貞元年十二月改爲從化縣按

此志爲經進之書宜遵時制曰從化縣此作涼風卽瀉風誤用舊名

武德云云縣敘

敘末宜有避諱改從化之文

是也欽州敘

官本作地也

四百四十里。州境下。

官本十下有四字。

三百十里。

橫州十下有一字。

虛山。管縣下。

官本作靈川。唐志通考、歐陽忞並作靈山。南本从之。後同。舊志與官本同。

三步。欽江縣西零戍條。

官本作三里。南本从之。

安京縣。

舊志云。至德二年。更名保京。與此別。

二百八十里。通化縣注。

官本二作一。近合。

二十里。溥州八到下。

龔州二作三。

二百里陸行一百里。

貴州二百下有一十五。一百下有四十。

貢賦。

官本按云。杜佑通典。潯州貢銀二十兩。此與賦並缺載。今按唐志。通典。通考所載貢賦。其確係何時。無的據。未定爲本書之缺。其邊臨蕃蠻各州。更難核實。並從略焉。

本漢領方縣地云云。蠻州敘

官本別行是。

後以蠻俚背叛。

官本俚作獠。南本从之。

李商隱重奏置。

官本按云。唐書地理志。武德四年。置蕘州。天寶元年。改爲永定郡。乾元元年。復爲蕘州。永貞元年。改爲巒州。與此詳略互異。

西北至上都。西北至東都。八到下

官本上無西字。下作東北是。

定永管縣下

官本作永定與唐志合下同南本改

七十里武羅縣注

官本七作九

靈竹縣

官本後有右三縣並與州同置此缺南本增

安南云云

南本作安南下並削

開元戶云云安南上都護府下

官本後有元和戶二萬七千一百三十五此脫南本增

上都護理所今為條

南本作都護府理所

三十二驪州下

按驢峯二州敍可攷者羈縻共三十四州此宜有誤

濱州。陸州。管州下。

按志文二州宜倒。官本是南本改。

都管戶云云。

官本無南本削。

爲玉州。交州。鉞。

樂史云置交州。

武德四年。

樂史作五年。

都督府。

官本督作護。下有兼置節度四字。

兼置節度。

官本無樂史與此同。

六千四百。百九里。八到。下。

官本無四百九作餘。

開元貢云云。賈賦下

官本無金翡翠毛翠毛黃屑後有元和貢翠毛翡翠毛荳蔻與此別又按云交州及愛驩峯陸演諸州之賦據唐六典亦是紵布而是書惟載愛州賦餘皆傳寫缺之

本漢日南郡西捲縣地。宋平縣敘

唐交州今越南東都地宋平故城在府南漢日南郡治西捲今越南西都地顧祖禹錢坫並同此宜有誤宜作漢交趾郡龍編縣地

慈廣水。本條

樂史作慈廉江云昔有李祖仁居此兄弟十人並慈孝廉讓因此名江舊志云武德四年於交趾置慈廉縣蓋因江名也廣形近之誤交趾縣正作廉宜照改

蘇晉江。本條

按梁書及通鑑並作蘇歷江通鑑輯覽注蘇歷江今日來蘇江在安南國

羸陵。本條

州郡志作羸婁晉志作羸陵南本从之

晉蓮萐。注

地理志注孟康曰羸音蓮。隳音受。土箕。官本箕作媮。有羞官。

官本羞作隳。非地理志原作羞。

西南至府。武平縣注

顧祖禹曰武平故城在府西北。與此別。

立崇平縣。

本作隆平。唐諱。

西北至府。平道縣注

顧祖禹曰平道在府西北。今安朗縣地。與此別。

東北至府。太平縣注

官本作西南。是南本从之。顧祖禹曰太平城在交州府西北。與此別。

開元二年。縣敘

官本二作元。唐志作先天元年。

東北至府。南定縣注

顧祖禹曰南定在府東北與此別

朱鳶縣

地理志作朱鳶晉志與此同

東南至府注縣

顧祖禹曰朱鳶在府東南與此別

以焦涌浪朱鳶江條

官本焦作焦通

即櫟榆水之一源也龍編縣朱萬江條

水經注櫟作葉官本按云水經葉榆水過交趾蒼冷縣北分爲五水絡交趾郡中至南界復合爲三水

東入海此所云櫟榆當即是葉榆

陶橫交州故城條

南本橫作璜

二十五愛州開元鄉

官本五作九南本改

無切州
縣

官本按云後漢書作無功。據漢書地理志及水經注並作無切。與此同。今按無切縣武帝所開。似不以無功為名。切亦訓迫。蓋與無編取義略同。言但羈縻之耳。

東至海州。八到

官本海州作濱州。今按下有南至濱州條。與此方里迥別。不宜重出。此疑作東至海。衍州字。

小獠棚。西北至安南都護。

官本無小西北。宜作東北。

人常苦糴。九真縣

官本苦作告。

高安縣屬九真郡。崇平縣

晉志九真郡無高安。

晉分置津梧縣。日南縣

晉志津作湛。此本州郡志。

七十里。海條

官本無十字。

晉分爲軍安縣。軍甯縣

晉志無軍安。此本州郡志。

元和貢。翡翠。驩州貢賦下

官本作開元貢。翡翠作翠。南本从之。

古夜郎國之地。峯州

御覽引方輿志。夜郎作文郎。亦作文狼。水經注引林邑記曰。朱吾以南有文狼人。野居無室宅。夜字誤。

下同。

音彌。注

官本作麓音彌。亦作菴。此脫。

管羈糜州。本條

官本上有兼字。接州。敍是。南本改。

南平州。八到

官本作平南州。

三百顆。賁賦下。

官本三作二。

管縣云云。

按州敍峯州有新昌縣。志文宜有缺佚。

漢交趾地也。承化縣敍。

官本交趾下作麓冷。女子徵側及妹徵貳反。稱王。伏波將軍援討平之。此地也。文義為詳。南本增。

西北至東都。陰州八到。

官本無西字。有東至廉州界三百里。東北至欽州六百里。西南至安南都護府百餘里。此脫。南本增。

元和同。賁賦下。

官本無。

以德州為驩州。濱州敍。

官本脫為驩州三字。按云。前驩州。敍云。武德五年。改日南郡為南德州。貞觀元年。改為驩州。據此。敍武德五年。置驩州。貞觀元年。改為濱州。是貞觀後之驩州。即武德時之南德州。而貞觀後之濱州。乃武德五年所置之驩州。非以德州改也。當如唐書地理志。貞觀元年。改名濱州。為是。今按本敍云。以德州為

驩州。卽指驩州言。見前敍。改此云云。指本條言。官本脫三字。語本難通。宜互參之。

貢賦。

官本開元貢有金薄。後無元和條。南本从之。

長州。

官本下有戶六百四十八。此見管縣下。以後五州並同。

其長。管縣下。

官本長作常。與唐志同。南本改。後按云。舊唐書。唐置長州。失起置年月。天寶元年。改爲文陽郡。乾元元年。復爲長州。領縣四。皆與州同置。此必有志文。而傳寫缺之。

郡州。

官本按云。是州舊唐書不載。新唐書列羈縻州。其縣有樂安。與此安樂異。今按蠻荒之地。或以羈縻升正州。或以正州降羈縻。或升而旋降。此志斷自元和。不必以唐志例也。

武安州。

舊志云。大足元年四月置。

朝露布。下。貢。南本露作霞。